



## 清淨法身毘盧遮那佛

歸依毘盧遮那佛  
文殊普賢諸聖僧  
凡愚識淺不能了  
願與加護借威光

大乘法藏陀羅尼  
我今頂禮故稽首  
隨文讚歎實慚懼  
今得總持皆解脫

毘盧遮那佛，為光明遍照，大日遍照之意。密宗把毘盧遮那佛稱作大日如來，作為供奉本尊與最上根本佛。是理性和智慧不二的法身佛，在中國佛教將毘盧遮那佛作為清淨法身佛，盧舍那佛為圓滿報身佛，釋迦牟尼佛為應化身佛。華嚴經所指華藏世界之三位聖者，毘盧遮那佛居中位，有文殊菩薩、普賢菩薩協侍左右，共為華嚴三聖，利樂一切眾生。在寺院中常有五尊佛，通常以毘盧遮那佛為主尊，配以東方阿佛、南方寶生佛、西方阿彌陀佛和北方不空成就佛，構成五方佛的莊嚴道場。毘盧遮那佛有如來形和頭戴寶冠、瓔珞等裝飾的菩薩形。手印有法界定印，智拳印和毘盧印。通常結跏趺坐於蓮台上。

毘盧舍那Vairocana，又作毘盧遮那，鞞盧杜那，毘盧折那，吠盧遮那。佛真身之尊稱也。解此者諸家不一。準天台以毘盧舍那與盧舍那及釋迦，如其次第配於法報應三身。毘盧舍那，譯曰遍一切處。盧舍那，翻曰淨滿。法華文句會本二十五曰：「法身如來名毘盧，此翻遍一切處。報身如來名盧遮那，此翻淨滿。應身如來名釋迦。」

法華玄義六曰：「境妙究竟顯，名毘盧遮那。智妙究意滿，名盧舍那。行妙究竟滿，名釋迦牟尼。」已上天台之釋義，以毘盧舍那與盧舍那分配於法報之二身，即理智之二者也。

華嚴則以此二者為梵名之具略，而為報身佛之稱號，譯曰光明遍照，或單譯遍照。因舊經（晉譯）說盧舍那，新經（唐譯）說毘盧遮那故也。

華嚴探玄記三曰：「盧舍那者，古來譯或云三業滿，或云淨滿，或云廣博嚴淨。今更勘梵本，具言毘盧舍那。盧舍那者，此翻名光明照。毘者，此云遍。是謂光明遍照也。」

慧苑音義上曰：「按梵本：毘字應音云無廢反，此云種種也。盧遮那，云光明照也。言佛於身智以種種光明照眾生也。或曰：毘遍也。盧遮那，光明也。謂佛以身智無礙光明遍照理事無礙法界也。」

義林章七末曰：「瓔珞經云：毘盧舍那佛是受用身，釋迦牟尼佛是化身也。」

密家以毘盧舍那為理智不二之法身佛稱號，或翻大日，或翻遍照，或翻最高顯廣眼藏。大日經疏一曰：「梵音毘盧遮那者，是日之別名，即除闇遍明之義也。」

同十六曰：「所謂毘盧那者，日也。如世間之日，能除一切暗冥，而生長一切萬物，成一切眾生事業。今法身如來亦復如是，故以為喻也。」

即身成佛義冠註下曰：「金剛頂義訣上云：毘盧遮那，此翻最高顯廣眼藏。毘者，最高顯也。盧遮那者，廣眼也。先有翻為遍照王如來（指玄奘十一面經），又有翻為大日如來。」

然密教中亦有分不兩說。

千臂千鉢大教王經一曰：「說教之根宗，本有三：一者毘盧遮那法身，本性清淨出一切法，金剛三摩地為宗。二者盧遮那法身，出聖性普賢願行力為宗。三者千釋迦化現千百億釋迦，顯現聖慧身，流出曼殊室利身，作般若母為宗。」

此二身分屬之義也。

般若理趣釋上曰：「毘盧遮那如來名遍照報身佛，於色界頂第四禪色究竟天成等正覺。」此是二身不分之義也。

